

Ժ.

Հ. Գ. Գալեմբեարեան իւր «ԿԵՆՍԱԳՐՈՒԹԻՒՆՆԵՐ ԵՐԿՈՒ ՀԱՅ ՊԱՏՐԻԱՐԿՆԵՐՈՒ ԵՒ ՏԱՍՆ ԵՊԻՍԿՈՊՈՍՆԵՐՈՒ» գրքին մէջ յատուկ գլխով մը կը խօսի մանրամասն՝ հետագայ նամակիս ստորագրողին՝ Յարութիւն Եպիսկոպոսի վրայ այս վերնագրով. «Յարութիւն Վ. Լեոնեան Կ. Պոլսեցի, Արք. Կեսարիոյ Պաղեստինացոյ (1670—1738): Հ. Աւիշան Հայ Վեհեօի մէջ 1716ին ի վենետիկ կը յիշէ զանիկայ: Սա արդէն Պոլսեցի կաթողիկէ հայերու հետ 1718 մայիս 6ին՝ վենետիկէն գրած է Մխիթարայ և անոր միաբանութեան կաթողիկէութեան մասին վկայական թուղթ մը՝ որ յետոյ հրատարակուած ալ է: Ատկէ երկու ամիս վերջն է որ կը գրէ մեր հրատարակած նամակը, որուն մէջ ի Հոովմ երբեմն անցուցած իր օրերուն յիշատակութիւնը անշուշտ կը հայի 1712 թուականին, յորում կատարուած է Պիոս Ե.ի սրբացուցման ժողովը. «Սոյն Համագումարին մէջ, որ երեք Նիստ ունեցած է, բազմած էին Հոովմայ բոլոր կարգիւնալները, լատին, յոյն, ասորի, քաղզէացի կաթողիկեայ Հայ. «րապետներ: Այս բազմականաց մէջ էին նաև հետեւեալ հայ կաթողիկէ բարձրաս. «տիճան եկեղեցականներ՝ Մատթէոս Սարի, երբեմն կաթողիկոս Սոյո և պատրիարք «Կ. Պոլսոյ. Գրիգոր Արքեպ. Եղեսիոյ. Գէորգ Բենիամին, Եպիսկոպոս Եղեսիոյ, «Յովակիմ Զուղայեցի Արքեպիսկոպոս Էջմիածնի և Յարութիւն Սևաստաս, Արքեպ. «Կեսարիոյ Պաղեստինոյ» (Կենս. Երկու Հայ Պատրիարքներու. էջ 137):

Ինքն ալ, միւսներուն պէս, ըստ կանոնական սովորութեան իր չորս վկայութիւնները կարդացած է առ Ս. Պապն՝ ներկայացուած խնդրոյն վրայ (Աճղ):

Յարութիւն արքեպիսկոպոս կու տայ նաև առ Մխիթար ինչ ինչ պատմական տեղեկութիւններ Պոլսոյ անցուղարձերուն շուրջ:

Գերաւեժարի և ամենապատուեցեալ ՏՆ ՏՆ Մխիթար  
Արքայի և Աժարակուրեան Վարդապետի

Գերարգելի վեհանձնութեղ Յսապարգև ողջոյն բազմա կա(ր)օտիւ և սիրատարած սիրով մատուցանեմ. և յայտ առնեմ վերոյ գրեցեալ տեղ. զսիրաբեր գիրն ընկալայ շնորհակալ եմ. բայց խնդրեմ զի ներիցես ինձ որ այսքան ժամանակ ծուլացա գրել. և ևս ուրախ եմ որ մեծաւորք տեղոյդ այնքան սիրով ընկալեալ են զտրուիդ. մանաւանդ սրբազան Հայրապետի մեծամեծ սէրն. լուեալ բերկրեցայ յոյժ և յուսամ թէ Ավ ամ ինչ ըստ կամաց տեղ լինելոց է. նայև տրուի քո գրեալ էր կոշտութեան քարանց և զփոշին մեծի քղքիտ. այն փոքր ինչ է սիրելի բայց խնդրեմ. եթէ մին տեղ զնաս մի ըշտապիցիս ի ճանապարհին զի մի քրտնիցիս. ինձ մին քանի անգամ պատահեր է ի տեղտ. մին անգամ յովաննէս վարդապին հետ մինէրվայ զնացիւք իս շուտով քալեցուց շապիքս դրջեցաւ ետոյ քանի մի օր տկարացայ. վս այն յիշեցուցանեմ. և ոչ զանկատիւմ. եթէ տեղոյս և զմեր որպէսն հարցանես քոյին սբ աղօթիւքն այժմոյս ևս լաւ եմք. բայց եկեղեցուն խցէն վաղուց ելա այն կրակէն յետոյ մին ահ անկաւ սիրտս. քանի մի օր տկարացայ. յետոյ տէր դուկասն ետոի հետս միատեղ կու կենամք. նայև պատեւրազմէն մին ըստուգ խօսի չի կայ ոմանք պարըջ կասեն և ոմանք կուի է կասեն. որն եզերելոց է չեմք գիտեր. նահապետն եկաւ ըստամպօլու. ասաց թէ ինք նա թագաւորական և երկու մտրայ ջնջուեր է. բ ղալաֆաթ անելն այրեր է և մինն ճէպէխանան նետեր է երկուսն դուժաբուրին առաջնն կոտորեր է. և մինն պողազն կոտորեր է. մինն սէլա.